


خناقة أولاد زوات



خناقة أولاد الذوات

اتجهت حنان إلى باب الشقة بعد سماع الجرس وهي متأققة وفي كامل زيتها لتفتح لصديقتها الجديدة يمنى .

حنان : أهلا أهلا خطوة عزيزة .نورتيني يا حبيبتى .

يمنى :سلام عليكم .دا نورك والله .

وتمضي داخل المنزل بعد تبادل القبل الخفيفة المعتادة عند السلام .

حنان :معلش يا حبيبتى إقلعي جزمك وهجبلك شبشب لو حابة .

يمنى :لأ لأ عيب كدا .أنا مش برتاح وأنا حافية اعذريني .

حنان :لأ معلش يا حبيبتى أصل أديكي شايعة البيت زي الفل الشغالة

تعبت أوي النهاردة حرام وسجادي صوف ونضيف وفاتح .دا صوف أصلي ويدوي مش كليشنان .

يمنى :حبيبة قلبي عيب كدا، إنتي عزماني تهزئيني في بيتك ؟ أنا

ضيفتك .بقولك مش هبقى مرتاحة .

حنان :لا والله ..ممكن أجبلك شبشب أو خف لو حابة، بس الشارع

مش نضيف، قطط وكلاب وحصنة وبني آدمين يقضو حاجتهم في الشارع .

دا غير إلی بيتف وينف وإنتي بتدوسي على كل دا .

يمنى :دا على أساس إننا عايشين في مستنقع ولا على أساس إني معفنة
ومابخدش بالي أنا بدوس فين؟ ثم كدا كدا السواق بيوصلني في كل حنة
للمكان إلي رايحاله بالظبط، مش بمشي أصلا في الشارع، دي جزمة
جوتشي وأنا أخاف عليها من الشارع دا، وبعدين عيب يا حبييتي الكلام دا،
بعد ما امشي خلي الشغالة تمسح ورايا تاني، أنا مش داخله مسجد.

حنان :بعد ماتمشي هتمسح الرخام بالديتول بس السجاد هنضفه
إزاي؟ وبعدين بيتي مسجد آه .بحافظ عليه نظيف وطاهر.

يمنى :حبييتي مادام أنتي موسوسة كدا ماتعزميش ناس في بيتكم .
إنتي المفروض هاي كلاس .أنا مش داخله بيت في حارة .ثم مادام انتي
موسوسة كدا وبيتك أنتيكة في نفسه بتعزمي بنات الناس هناليه.

حنان :وأنا إيه عرفني إنك من الناس إلي ماعندهم ذوق وما
يحترموش الأماكن والناس إلي رايحناهم .عمومًا هجيلك شبشب وأدور
وشي أحسن يكون شراك مخروم ولا حاجة هي هي هي.

يمنى :آه ..دا إنتي دمك خفيف بقى، مع السلامة يا حبييتي مش
هنزلك بمستوايا، أنا مش دخالك بيت.